



05370

蘊懷閣詩集卷第五

己巳

自都門歸泛舟訪虞山友人

青山如故人濶別積遐想良友如好山坐對愜欣賞三生  
苔聚岑朋交海峴廣懷筓郭隗臺侘傺絆塵鞅悲筑破春  
夢清謳動秋槩眠沙鷗狎水闖萍魚避網五兩候風駛未  
到神已往停橈若悞悞躡屐倏悵悵恐以塵面觸翠微未  
及上山人揖客笑謔詞叙疇曩招我登巉巖呼僮剪榛莽  
層坳轉而折背俛面若仰四圍竦危架一角露平敞修眉  
浮黛鬢峭骨洗刻礫石蹲夸娥肩劍劈巨靈掌海天雲瀾  
漫日月共排盪眉眼豁夕翳襟衷挹晨爽或桐帽稜鞵或  
葛巾栗杖或縹紗練裙或蹁躑鶴擎胸列五嶽秀嶠岫闢  
高明沆瀣吞吐閭神境忽恂豁匡瀉溜泉激激助清響

寒亭訪碑歌爲永州司馬李虎觀 邦燮賦 有序

寒亭在湖南江華縣治南五里唐代宗時縣令瞿令問愛  
其水石相勝求得洞穴棧險以登構亭巖際元次山刺道  
州行部至縣遊其地作文記之瞿令問書磨崖亭背隸法  
道逸元明以來以徑險遊者罕至碑文搨本流傳絕少吾  
友長洲李虎觀司馬於嘉慶乙丑歲尋巖訪碑梯磴剔蘚  
命工人何大權摹搨以歸誠希世墨寶也已巳歲余自都  
門歸司馬亦奉諱家居出所藏石刻贈余余作長歌四百



二十言答贈司馬亦以誌余之幸云

零陵司馬李郡侯湖湘石碣窮微搵江華官廨清書靜命  
駕出郭寒亭遊高嶺樊緼峯挺萼飛宇奔溜崖懸抽亂石  
壓磴踞白獸萬木交戟蹲碧蚪豁厓崩劣巨天際兩眼睜  
眈神逗邈僉曰逕險不可上露珥獨御風颺颺都廣珍秘  
闢潭與玉斧刷骨金窠鏤元漫叟文瞿令隸峭刻生動逸  
且道風摧霜剝一千載疑有神鬼潛陰庥惡塞蕭茆剪藤  
葛碧雲削出千峯稠林於翁蔚瀉寒綠空青節角開球球  
榛莽芟盡石骨露如割宿瘦刮蝨瘤磨厓承泰紀丙午片  
石攷信珍瓊琿改元大歷十一月史筆確證廬陵歐元明  
摹搨未及到守殘抱匱力不戮嗚呼古人不復作所賴文

蘊懷閣詩集卷第五

二

字人間留周宣獵碣唐代顯秦詛楚出朝那湫順伯漁仲  
互訓釋芸叟魯直精校讎石墨顯晦天數定總有元氣輝  
千秋鼎鼎藥藥恣磨鍊蓄久必發沉必浮李侯今之趙德  
甫金石著錄書錯揉仰取俯掇不少度物萃所好爭歸投  
波斯大開百寶庫鐵網四面珊瑚收着手摩挲愛難割赫  
躡日輦六七郵寒亭訪碑紀游作轆轤次山追柳州裝題  
籤軸誇示我冷然高曠開塵眸恍登斯亭絕頂望炎暑不  
到清而幽嗟余平生癖嗜古更愛枕石棲巖邱疑廣駭轟  
少涉獵聞見壅障儒生羞惡思御李叩玉府躡景飛渡芙

蓉洲

古錢歌同黃茂才

廷鑑作

平生嗜古恥錢癖近搜古幣癖嗜錢誰其同志琴六子君  
請聽我歌長篇幕義面帝創邃古九府利用蒼姬傳贏錙  
踵興鑄漸廣銖兩分寸平衡權歷朝紀元孝建始唐誌郡  
邑標洪宣南北趙宋監局縣闐城貿易流百塵貯收綜覈  
累千載蝨蝨鈔覩肉好全要其存者體質堅精銅百鍊光  
黝然火燻水汨土液灌龍紋蠕動蟠連蝮揚葩石蠅削翡  
翠金螭紅射珊瑚鮮錢神賴汝呵護力疑有金囊牢關鍵  
商參夏鼎杳難溯積衍繕算長延延自來河山幾易姓不  
與陵谷相推遷座中摩挲集珍秘二十二史同編年排列  
世代燦列宿貫珠乙乙青絲穿分條析縷辨正閏綱目史  
筆如杠椽正品僞品神異品當十當百或當千或篆或隸

蠹慄閣詩集卷第五

三

或真草波磔體勢工雕鐫旁及歷勝并散帳裝以寶匣暴  
以繇有客問我誰購此歸載貨布辭幽燕旬積月累苦徵  
索毋許細大少棄捐黃子過從時互易相與傾倒真珠船  
君不見棧臺城陽散鉅萬嶙峋巖道高參天蠹蝸羣飛繞  
金穴療貧吾輩無其緣嗚呼療貧吾輩終無緣何須戀却  
阿堵物坐使百慮中焚蕪世人愛錢吾愛古吾亦笑吾迂  
且顛

海上

海上戈船瘴雨昏怒潮直欲撼乾坤青燐榕樹烽煙氣赤  
色蘋花戰血痕楊僕尙能爲厲鬼孫恩何處脫游魂從今  
水驛通舟楫免使東人賦盞殮

題李湘芷上舍

元壇

枯樹圖

瘦削營邱筆蘭成賦並工虬鱗  
摻蟻石髮碎蟠虹月白  
霜潭外雲黃雪窖中自存生  
動意未許卧蒿蓬

舟行紀所見四首

廢寺

何代招提境頽雲卷薜蘿木魚  
梵唄少松鼠石龕多刺瓦  
風霜剝傳燈歲月訛三生桑  
下宿筇竹記會過

古冢

霜臯寒砭骨淒斷鮑家詩蹲獸  
斑斑凝石啼鴉血挂枝採樵  
穿側逕捫字讀殘碑灑盡英  
雄淚臨風奠酒厄

荒園

蘊懷閣詩集卷第五  
四  
水木仍明瑟誰人醉羽觴紅  
闌蕨蜥蜴碧瓦散鴛鴦重甃  
輿丁路空聞菜甲香歌臺春  
寂歷吟思落斜陽

野航

浮家煙水窟身世一沙鷗春  
雨綠楊岍秋風紅蓼洲遠村  
時喚渡晚市每聞謳笑彼關  
津客危橋阻石尤

同作

長洲

李元壇

禪闕終日閉黃葉短牆堆宿鳥  
自飛去晨鐘誰暗催  
壇空今夜月香冷舊時灰倘  
得詩僧遇相期此地來

廢寺

枯樹不成陰寒雲宿艸深長  
流李子淚易老美人心  
寂寞青燐火悲涼白鳥吟銜  
杯弔殘月桑落帶愁斟

古墓

紅樓拖半角疎柳尚青青人去鴟成夢風來鶴倦聽  
苔深尋露卯花落護簾丁玉騎匆匆過相思幾度經  
荒園

飄泊舟如屋閒鷗慣結鄰全家三兩口小住十年春  
愛泛清波渡情深舊釣綸滄浪容我傲何必戀浮塵  
野航

東彭甘亭上舍

北蘇

海上丹霞飛僊人擁華蓋俯瞰八極小高摘獨星大舌吞  
雙丸紅胸吐五雲雷當其乘長風咳唾落天外滄澗渺於  
粟黃河狹於帶鑿宮斗量珠虬闕斛琢貝精光逼斗牛萬

蘊懷閣詩集卷第五

五

怪不能害銀船挂練颿天空掃塵璫素娥鳴珠璫神斐獻  
摘柰盛鬢不同制列坐盡少艾石蘭緝楊屋香蕙豔繁韻  
縱橫元圃觴絡繹瑤池會妙采照殞絃大觀此焉最余亦  
東海客神交遡范秦隔越風水渙落冥麗澤兌春明辭駿  
臺秋浦戀鱸膾大雅孰輟輾俗學逞狡獪啁啾釜鳴雷雜  
選鼓動膺金精匿重淵沉沙必先汰陶鎔入洪鑪築冶惟  
子賴

庚午

答寄汪侍御

彥博

青雲志氣壯致身苦不早我年屆四十驚蹇老伏阜豈不  
羨汗血恥作駒與駉總轡馳平原泛駕勿草草負哉古先

哲希聲著琛寶積寸乃得尺不達窮亦好來訊勵令猷積  
誠爲傾倒隆誼愧孤負慟焉意如擣

四十自述

此日大可惜漸衰壯盛心名場老馳逐奇氣暗消沉隻影  
愁臨鏡獨居防愧衾星河耿長夜特爲照清陰

銜恤終天恨劬勞莫報恩几筵感春露風木痛秋原舊宅  
城南廢遺編硯北存林烏啼愴惻落日淚聲吞

浪跡隨萍梗華年瞥眼過關河歸雁少風雨酒人多蒼莽  
哀箏氣飄零長鉞歌漸看兒女長向累又如何

塵海茫無岸閒身俯仰寬苦吟詩思進澹慮夢魂安流水  
識所尚青山不厭看何須感遲暮絲竹動悲歡

蘊懷園詩集卷第五

六

白下懷李一元壇

尚湖明月好送客白門遊以我碧天夢思君紅葉秋江山  
餘古蹟池館弔名流噉唳南飛雁臨風起暮愁

九日招吳

卓信 黃廷鑑

張鐸 小集虞山北城之松

棚酒舍分韻賦詩余得仙字

登高不必上翠微飲酒不必開綺筵虞山北城重九會酒  
籠詩虎皆神仙兩壺對斟盡三爵疾飛大觥鯨吸川清歌  
隨風入層漢一鶴嘯破千林煙青山勸客酌酩酊我與公  
等非少年酒醒秋風攬涼思霜花照眼寒更妍蒼松入雲  
白日暮一綫露出紅霞鮮諸公欲歸且歸去我醉便從酒

舍眠

梨刀錢範歌

李生示我古錢範乃是王莽之梨刀徑廣五寸厚半寸其中竅深四角高左列錢面右則幕裁制濶狹齊織豪吾聞攻金有六職築冶息桌段與桃又聞範金先合土搏埴之工曰旌陶印泥覆範兩配合巧匠獨以精心操蘆灰梅黓出青氣爐火爆焰流銅膏千年北邙瘞錢處漆鐙黓慘英光韜蠹蝸蛻骨出人世隱現鱗甲蟠鯨鼈細紋空嵌紅間碧叩之鏗爾戛玉璫惜乎此範僭偽物弔古令我心忉忉哀平以降漢祚促黃牛白腹爭喧嘈三官赤仄變舊制大泉壯布雜市曹梨刀一枋直五百吏民逐末恣饕饕盜鑄嚴禁不得禁奸胥競挾銅炭逃水衡少府半耗竭饑鴻啄粟哀蒼蒼貨泉竟應白水識昆陽虎豹悲風號乃知刀泉召殺氣不模不範徒爾勞

山居讀書四首柬李

元澄

暨其弟

宗植

鷓鴣栖宿處巢父得安居狹室審容膝深山足著書狂花紅覆帳落葉翠飄裾十笏吟懷暢脩然塵跡踈鎮日藜床對高譚有二丁嵐容千樹紫松影一鐙青破壁撙殘帙豐碑擲舊銘巖扉鼓翠繞雲氣若爲扃入山塵念澹日月靜中長一礪古琴漱六朝春草香精思托豪素夾注雜丹黃有客籃輿到坳堂笑引觴

著作名山業煙霞氣味真道從高處仰人與古爲鄰暗谷藏猿鶴虛堂嘯鬼神高歌發慷慨餘響入清泠



蕭子山茂才 論 自金陵歸權枉過草堂卽送予之  
虞山賦此留別

湖田人去日江岍客歸時舊約青雲伴新攜白下詩夕陽  
窮遠目高柳綰離思後夜燈花落懷人酒一卮

張補葺孝廉 景江 來游虞山同吳頊儒 卓信 張椒

卿 鐸 孫少初茂才 理 酒樓夜飲

客爲看山到先來卽主人燭檠紅吐藥酒盞綠浮鱗月色  
澹將落湖光辨未真飛觴喧語笑醉舞不相喧

澹僊曲 有序

閩妓李澹僊色藝雙絕負重名而性孤介客有擲千金往  
聘者落落不一當意琴溪蕭某游樵川一見輒相憐惜旣

蘊懷閣詩集卷第五

八

而蕭將辭閩願委身焉蕭故貧纏頭之費不滿什之二三  
悵然中止澹僊乃泣請曰妾薄命流落君又不能振拔之  
妾願以小像屬君攜歸倩吳中諸名流題詠使知青樓未  
箔中有李澹僊其人者妾亦可以無憾矣嗚呼黃金欲鑄  
神仙無速轉之丹青眼難逢鶯花有可憐之色能無悼韋  
郎之玉簫泣秋娘之金縷也爰賦長歌以誌吾感

桃笙月冷芙蓉綺清瑟宵彈羽霓曲青衫紅袖兩傷心瑤  
艸空階爲誰綠桃椰花發可憐春十里樵川漾翠鱗蓮葉  
橫波迎畫舫楊枝夾道曳香塵金蟬鈿雀嬌羅綺日出城  
南睡初起澹掃修眉合喚仙仙師師艷姓人傳李蕭郎闔海  
憇吟鞭解佩傳觴珥琚筵舊夢香丸情擾惱新盟玉杵話

纏綿皓齒明眸謝雕飾羣花睥睨無顏色鐵撥龍香孔雀  
穿銀梭鴛縷流黃織青粉牆邊悵落暉腰肢瘦損六銖衣  
願隨蕭史乘鳳去不共章臺柳絮飛吳艚越舫停蘭澤新  
水桃花送歸客月影闌干燭影斜與郎共此銷魂夕了鳥  
臆紗翡翠籠兜鞵情緒恨匆匆酒因泣別痕餘綠花爲傷  
春色更紅離亭玉柱橫霑軾唱斷驪歌淚盈臆滄海難求  
十斛珠青山恨少雙飛翼崔徽風貌如花嬌應倩傳神盛  
子昭裝就瓊花新樣錦倩郎珍重載歸橈但教尺幅青苔  
紙賤妾才名備花史差勝鴛鴦冢上碑宿艸愁紅土花紫  
一生憔悴爲情癡郎亦如儂失意時天涯海角憐知己秋  
雨春風寫恨思簪挑翠縷同心釧手把紅羅定情扇鈿鏡  
粧階畫裏身伯勞飛燕時相見渺渺江潭起白蘋碧雲日  
暮客愁新登樓王粲心情減不獨飄零泣美人

送吳門李布衣

邢臧之河南

李生不樂居江鄉飄然辭我遊洛陽愧無黃金贖遠別使  
君行李生輝光贈君秦漢之瓦當長生未央母相忘贈君  
喻麋之古墨上黨松心碧煙直君書行草體勢工君畫大  
有元人風書記翩翩自矜許舉止談吐殊從容問年三十  
尙未娶骨肉彫敝囊囊空困羈虞羅翦長翼不能冲飛逐  
走蓬浮雲蔽天日色薄搔首我欲呼皇穹古驛霜楓肅秋  
曉嘆君此行何草草黃河波浪險且惡滅沒鼉鼉亂青查  
君其愛此千金軀變幻風濤善自保銅雀荒涼鄴下臺梁

圖詞賦老鄒枚名山少室鬱靈閔必有奇士埋荒萊願君  
早賦歸去來與我挹衷滄江隈我將共君騎鯨散髮入東  
海倒挾巨浪滄溟開

吳葵生茂才

景思

將有洛下之行爲寫滄江載書

圖并贈以詩

葵生古之狂簡流不與俗士同好尙奇氣欲出不盡出累  
蹶霜蹄膽更壯扁舟載書洛水濱欲尋少室山人囊金  
不滿十數兩百城高擁非爲貧船頭雪花大如掌寒坐孤  
燈成獨往高歌半夜蛟龍驚水色天光共蒼莽飢鷹啄屋  
鳥不飛君行千里將何爲荒雞啼曉不肯卧僮僕竊罵憎  
書癡嗚呼世上未有如君癡安得洛陽復逢賈生輩懷抱  
永此千秋期

蘊懷閣詩集卷第五

十

瑛兒初應州試作詩示之

吾昔五試童子場年二十一遊泮庠汝年十三爲文章今  
歲州試初觀光攝衣直上刺史堂笑汝豪興凌青蒼歸檢  
艸藁十數行瑕瑜姑置勿細詳趨避弟妹牽衣裳爭索棗  
脯搜竹筐燭花高檠飛赤芒汝侍飲酒立膝旁居吾語汝  
汝勿忘食甘先以苦味嘗久久饜飲深而長當今

天子求賢良鮫綃億段玉尺量丹苞鳳藻翔華閭飛騰變  
化爲汝望

寒夜飲吳瑛儒齋中

江湖殘歲逼風雪破裘寒今我鬱不樂惟君慚所歡燭消

情話永月耐苦吟看激岩餘豪氣如何酒不乾

辛未

遊鹿城郎氏小園奉東郎正叔丈

炳藜

負郭幽人宅空齋絕點塵閒雲鷗鳥夢明月薜蘿春砌蘚  
綠圍座牆花紅笑人馬鞍延秀靄鎮日伴吟身

一徑列幽壑登臨勝事兼竹籬斜抱水石磴峭穿檐鶴愛  
蕉邊立魚宜苻底潛催租人不到信手韻頻拈

郎芝田茂才

際昌

畫山水歌

畫山山從天外落畫水水自雲中來五百年間推巨手一  
峰老人安在哉 國初畫法人肖太原司農擅神妙誰  
尋其委窮其源鹿城近得郎士元橫皴側點作劈斧意趣

蘊懷閣詩集卷第五

十一

無窮出奇古丹青續就懸虛堂往往蛟龍吼風雨虛堂風  
雨詫通靈聽之無聲似有聲真想自在筆墨外煙嵐杳杳  
雲冥冥贈我霜綃一丈許碧山紅樹芙蓉渚有人開徑招  
仙羣鎮日看雲兩無語我欲乘風學冲舉咫尺千山萬山  
阻安得賣藥逢壺公跳身入此圖畫中重呼癡仙作仙友  
醉倒瓊蘇百斛酒蓬萊絕頂崑崙巔解衣旁礴揮長箋空  
青落手屏障濕寥天萬里驅雲煙

鹿城歸舟

綠楊隄畔木蘭橈劃破螺痕水一條細雨鶯聲啼不斷賣  
花人過玉龍橋

張補葺孝廉以懷人詩冊寄示卽題其後

我無不好詣人癖豈不爾思奈遠何夜雨小樓燈下酒著  
書應比昔年多

春日有懷海虞山中人

同里 張景江

傭書虞左近接琴河言念素交愛而不見得詩數章  
聊寄停雲之思興到卽書興闌輒罷所懷固不盡屬  
於此若夫山靈笑人諸君其爲我解焉

此來何事最情親一桁青山幾故人山隔重雲人不  
見空教望斷水粼粼

我愛風流盛孝章記拈新句必同商而今閒却談詩  
口莫道狂奴似舊狂

子履與余皆嚴於論詩普劇飲酒樓兩人共論硬詩家得失侃侃而談四座驚避

蕙懷閣詩集卷第五

十一

季重天生補史才酒酣以往氣如雷名山絕業編成

否副墨先期示我來

頊儒嘗著三國補志余猶未及見也

依依爲問靈和柳妙詠風懷近若何我縱無才效官

體也思一聽懊儂歌

家椒卿詩最工側體又善以曼聲歌之

仙李蟠根正妙年倪寬蔣詡共周旋

謂湘芷亦魯秋漁 當時

被酒匆匆去衣上香痕尙宛然

前年冬余自虞山旋里已解維矣諸君又

要於路共往酒家大醉而別

探梅絕憶招真治

係蕭梁古治在西城山麓每梅花盛開時子履椒卿諸君無日不在

積雨終虛泛野航未免寒花笑人俗不將冰雪浣詩

賜

九日約黃琴六

延鑑

遊北山爲風雨所阻次日造

訪不遇悵然成詩

籃輿有約過山莊，楓漸飛丹菊漸黃。但說今秋少風雨，不知明日是重陽。

屋後遙山倚杖看，一杯濁酒不成歡。漁洋九日詩堪憶，零雨層城薄暮寒。

遠近嵐光曉霽開，綠雲一徑罨莓苔。寒花笑客疎慵甚，不爲尋詩却不來。

溪頭鷗鳥日聯羣，遮莫緣慳我共君。第六琴絃水清淺，美人咫尺阻重雲。

移居四首

杜叟胸中屢能歡，寒土顏我廬。破風雨荒徑，沒榛菅。運甕勤何補，牽蘿計亦艱。掉頭不肯住，夢逐白雲還。

蘊懷閣詩集卷第五

七

問舍與求田，此心殊澹然。欲栖倦飛翼，老我著書年。凍蟄春先到，蝸牛骨亦仙。一椽容膝俯，仰足安便。

應門僮僕少，居近市廛宜。不厭塵囂溷，欣將家具移。月光臨檻早，花色上簾遲。乞借鄰家壁，樓邊築小籬。

比戶居稠密，行人雜沓過。街前帘影合，屋後屐聲多。濁酒沽來易，新詩醉卽哦。鸚哥橋畔月，留客照顏酡。

遣興五首

驚心白日堂堂去，如許頭顱愧此身。丹室無緣成大藥，青山有分作閒人。早知嬾骨難諧俗，豈怨儒冠不療貧。十載

龍泉藏古匣，夜寒霜月照常新。

盧龍紫氣入雄關萬里風雲拈頤問憶昔麻鞋來日下至  
今詩夢落燕山空慚綺約聯僑札豈有文章繼馬班客路  
三千成底事不堪自照鏡中顏

一卷笙詩補未成夜蛩四壁助悲吟烏啼月落秋林薄馬  
鬣霜封宿草深短髯無端增客感重泉何以慰親心遺編  
不忍重開讀暗對孤燈淚滿襟

江鄉滿目渚鴻哀淮北河隄又告災已患流離盈卧路况  
多風雨獨登臺防秋有 詔資籌畫輸粟頻年竭賦財華  
省諸公來袞袞蒼生須仗濟時才

荒江歸卧掩荆扉讀易空齋得靜機座有煙雲供養好門  
無車馬送迎稀山村老樹蒼逾瘦艸閣新寒綠不肥白紵  
夜涼休便換窮簷九月嘆無衣

蘊悒閣詩集卷第五

十四

琴六齋中觀所藏古錢戲贈長句兼寄吳葵生

虞山誰家藏古錢吳君葵生暨黃子葵生搽索號繁富黃  
子癖嗜更無比紫檀沉香大小匣青紅縹碧燦斐几秦漢  
隸篆細鉤畫蝌蚪蜿蜒妙誰擬唐宋以來鼓鑄繁辨訛訂  
僞援圖史權量輕重別銖兩裁度厚薄析肌理中有雙龍  
與雙鯉隱約鱗紋徹表裏虬藤滴翠濕欲流凍蛟啄月寒  
不死不知何年乃鑄此贖者莫竊讒鼎似其餘異品紛錯  
糾亂縷美不勝屈指憶昔葵生購錢始余數慈憚互相市  
拔其尤者歸我橐自笑貪心不知止君之藏錢與我埒比  
似葵生則過矣余其備禦慎守寶戒勿棄置若脫屣恐君

兼并侈心起嗚呼君毋兼并侈心起

題郎正叔丈松泉清籟圖照

百泉撼萬松山靜異俗響凌虛落秋影夏籟盪塵想忽疑  
仙人來蹠躔曳鶴筆笑揖圖中人贈以叩竹杖飛泉不到  
處松心自孤往長嘯巖石顛詩懷浥秋爽

題郎芝田臨王石谷山靜日長圖長卷

吽煙散人不可作畫苑宗風嘆零落叢殘粉本爭臨摹結  
構雖工神氣薄今之健者郎士元胸中自具真邱壑偶臨  
長卷出示余吸取精華棄糟粕翠屏撐空削窈窕綠天永  
晝涵虛廓君言臨畫但臨意繩墨不被前賢縛不然衣冠  
類優孟坐使精神盡銷鑠亦猶作詩必此詩性靈何處重  
開拓新豐雞犬識舊居尺寸錙銖細裁度匠門習氣乃若  
此筆下那容少倚着自來名家善擬古離貌取神得秘鑰  
君更變化神而明六法蠶罷手親鑿畫裏依稀太古春山  
中大有琴書樂虛堂展翫移我情報以一詩免負諾

王椒畦孝廉

學浩

畫松林跌坐圖歌爲郎芝田作

兼柬椒畦

一人跌坐松林邊云是吾友郎芝田誰其圖者王孝廉意  
致生動清而妍畫手應共芝田傳吾聞芝田畫松得松意  
着意自在揮毫先此非畫史乃畫仙今之此圖妙相合一  
妙未識誰尤賢龍鱗疊蒼翠虬幹蟠連蜷上有峩峩列岫  
之遠靄下有淙淙瀉壑之飛泉置身其間萬慮捐洪崖浮



邱列左右相與挹衷同拍肩乃知畫境到神妙世上別開  
一洞天余也煙霞抱清癖披君此圖喜且顛煩君呼我入  
畫裏同坐公陰叅畫禪

壬申

立夏日同琴六椒卿游石屋洞

清游訪石屋憶昔歲次甲僧臘換凡六覓徑尙了了層岡  
蜀閭嶧奧室深以窈危撐千仞墮清露一綫杳洳泉石竇  
出四溢聚成沼溜聲琤琤鳴雲氣蜺蜺繞繞陰晴變氣候不  
辨昏與曉跌坐踞蹲石仰視碧天小更尋仄磴行別有招  
提好密林間疎篁位置天然巧始悟曩日遊匆遽失搜討  
出山口西沉一帆送歸鳥扣舷發高歌洗盞酌清醴何物  
充飢腸餓餒雜餅麩無須櫻笋厨快看青山飽餞春興最  
劇一詩紀鴻爪

玉蟹泉

石淙響漱玉泉穴狀如蟹探幽闢荒茸仄步學拄拐半筐  
茗具移一束松柴買涓流郭索來微雨晴空灑斫雪塵泮  
淨含黃沙礫擺香冽味自鮮心清渴先解一注亦競浥七  
椀不能罷夕暉送歸客爽氣尙颯颯遠煙半嵐迷破籟一  
燈矮歌聲出緯蕭咽彼老漁駭

示兒用昌黎韻

聖狂判氣質變化惟詩書所以古賢俊研經坐衡廬斗室  
羅萬籍寸陰珍三餘衣不愛紈綺食豈厭菜蔬尙友百千

載晤對欣相於雨露厚培植高幹蟠根株春榮發藝圃灼灼華英敷大塊和煦氣因材妙吹噓嗚彼樗與櫟頽散歸荒區憶我少壯時自慚腹空虛開卷偶得益歆然不自居年來患治生漸使故業疎勿慧劇憐汝問字牽我裾讀史覽興廢出語驚壯夫搜羅近頗富博嗜兼熊魚學成出問世淪落何足虞特恐慕奔競軒冕供歡娛轉笑窮巷子潛修老繩樞試與辨道德跼踖愧弗如汴流窮其源取精除其麤名山大事業責任歸吾徒一簣進以漸六蔽當先祛落落古傳人姓氏願與俱慎勿驚名利甘爲小人儒書紳佩吾言勗旃慎厥初

秋夜新霽

蘊懷閣詩集卷第五

十七

溪閣重雲卷陂塘一水流衰荷羞見月高竹不驚秋遙夜漏方半青山笛一樓短檠冰簟側涼意動新愁

瑛兒科試入泮詩以勗之

纔過成童歲翩然與泮遊文章初弄筆爽氣已凌秋學術歸深造功名勿競求原泉來混混無本卽堪憂

漫成

星河耿耿霜月高宵闌四壁寒蟲號牀頭白酒乍開甕痛飲何必求醇醪歲將暮矣百憂集對酒不作牛衣泣舌畔薪水聊自給官吏催租幸勿及君不見鄰舍有門不敢開悍胥街上咆哮來

丈夫年過四十姓氏無人曉五十垂垂牖下老杜陵許身

比稷契富貴難期致身早五陵衣馬美且都車騎雍容耀  
紫衢白頭儒生曳襜褐路鬼指顧羣椰揄嗚呼人生窮達  
有定數吾身不怨儒冠誤

蘊懷閣詩集卷第五

六

蘊懷閣詩集卷第六

鎮洋 盛大士 子履

癸酉

春日有懷李司馬

邦變 滇中

萬里昆明水四時花影嬌定多新雨露爲補舊風騷地僻  
征徭簡時清瘴癘消無須戍南詔禮樂化諸苗  
吳門老名士蠻府舊叅軍別我尊前酒孤吟山上雲天涯  
遲驛使水渚失鷗羣風雨眠餐慎滇民倚望殷

虞山官署呈何觀察茂軒先生

江南江北萬山青吳會重瞻使者星

觀察夫子於嘉慶庚申科典試江南地

界滄瀛資水利天留元氣護生靈餘糧栖畝衢謳治里社

蘊懷閣詩集卷第六

一

稱觥酒味馨猶恐雁羣噉渚澤夜深鈴閣夢頻醒

鵝鴿孤峯杖策登勝遊同上最高層吏名大隱希方朔人

羨羣仙御李膺朗抱白雲歸鐵笛醉飛紅葉落銀鐙七條

絃漱冷泠玉照徹壺中一片冰

輿兒省試余因借至白下江中遇大風作歌示之

長江古稱天塹雄奔流直下滄澗東兩點金焦盪空碧俯

仰一氣青濛濛揚舫擊楫舊游慣布帆不動心從容今我

攜汝復到此風景約畧當年同虞山買舟小於葉舟中四

面驚飛淙舟人膽大不曉事破浪竟欲乘長風黑雲如牆

壓江面有櫓不敢搖江中急借迴瀾傍絕壁怪石傑立劔

圓穹一篙力挽石背裂泮泮勢若撞洪鐘巨靈揚鬚老龜

怒呼我共到馮夷宮  
篙師泗水拽巨索  
如引后羿千鈞弓  
疾風忽隨枕背轉  
直以人力爭天工  
須臾風息泊江岍  
望見鍾阜高低峰  
汝生未識波浪險  
驚魂甫定心忡忡  
我昔扁舟過淮北  
淮河水挾黃河衝  
一葦竟渡若平地  
四面飛瀑懸晴空  
澄心坐鎮憂懼釋  
此中大有凝神功  
世途險於蜀道險  
康莊何處非蠶叢  
江山壯觀足千古  
閱歷亦足開心胸  
醉成狂歌唱水立  
豪氣定欲吞虬龍

秣陵秋感

蒼茫煙樹秣陵城  
無限興亡弔古情  
紫蓋山川銷王氣  
白門風雨攪秋聲  
新亭斷隴埋蕪碣  
舊苑荒臺冷玉笙  
垂柳再楊總蕭瑟  
傷心不獨庾蘭成

蘊懷閣詩集卷第六

二

長板橋邊落木秋  
秦淮鳴咽使人愁  
青溪盪滩迷桃葉  
明月降幃照石頭  
社酒義熙郵舍改  
黨碑元祐姓名留  
朱樓大道誰家宅  
金粉消沉土一邱

珍珠河

在府學側相傳陳後主雨中泛舟  
宮人見浮漚呼以爲珍珠故名

春塘波綠鷓鴣夢  
香風吹舞袖隨波  
翔蘭舟泛雨浪花  
濺美人翠羽鳴珠  
璫霧閣雲牕畫圖  
裏不辨臨春與結  
綺妾心愁送雨聲  
中水面珍珠拾不  
起珍珠河畔醉仙  
娥狎客新翻玉樹  
歌忽聽宮鴉啼夜  
雨胭脂井底淚珠  
多

洞神宮

在淮清橋西舊爲江總宅宋制使姚希得  
自蜀來建此奉清源梓潼白崖三神又名

蜀三大神廟

舊宅傳江總  
新宮祀洞神  
綵旛明照日  
玉樹暗傷春  
傑閣

翔鸞馭虛堂響鳳釣椒蘭香案薦靈佑到西岷

烏衣巷

城南有烏衣園乃王謝故居  
其扁額曰來燕歲久傾圮

野徑泥深綠蘚肥巷名猶號舊烏衣  
疎籬一角茆亭古燕子秋街夕照飛

白門雜咏

柳枝貼地帶疎痕點染秋光白  
下門丁字簾開人倚檻澹煙微雨總銷魂

碧紗燈影落銀河新製單衣翦越羅  
妾見莫愁湖上月秋來愁更比春多

渡口初停昨夜風橫波兩滌鬪玲瓏  
六朝多少傷心事盡在朱樓畫舫中

蘊懷閣詩集卷第六

三

臨春複道燦流霞飛燕昭陽未許誇  
醉遣摩訶守江口玉簫吹罷聽吹笳

半壁東南落日哀君王沉醉笑顏開  
長江自古天爲塹怪底韓擒虎又來

戰鼓千山草木驚將軍褰甲厭談兵  
渡河獨有宗留守艸檄青燈血染成

名士歡場夢幻中歌殘瓊樹怨東風  
美人俠血干春碧不爲桃花悵落紅

淒斷鴟絃不忍彈江袁門第惜春殘  
誰知花月春江夜開府新朝已拜官

燕子樓頭燕壘空雨花臺畔雨濛濛  
愁心不逐秋潮落付

與江樓笛裏風

觀音閣秋眺用漁洋韻

高閣秋延雨後涼  
接天雲水浸微茫  
平林點筆圖蕭照  
小市停舟問杜康  
石蘚翠餘庵徑外  
娑羅香落寺門旁  
夕陽幕府山頭望  
兩岫蒹葭水一方

感事

野戍驚沙起荒原  
落木秋跳梁  
滋小醜傳箭說中州  
已悔先機失難寬  
上將憂書生懷義憤  
荷戟願同仇  
國法嚴貂寺會無尺寸權  
罹刑全不恤  
煽亂竟居先  
蟻賊窺畿輔  
妖星逼斗躔  
乘墉紛豕突  
禍水起中涓

宮闕倉皇日  
天心默護持  
雷聲轟亂鑣  
電火掣妖旗  
義憤人齊奮  
訛言勢絕危

蘊懷閣詩集卷第六

四

鑾輿秋獮返臣庶釋驚疑

河北傳烽燧  
山東走檄書  
禍將憂蔓艸地已近淮  
徐白骨烏銜肉  
青燈鬼嘯廬  
六師來日下  
父老望旌旗

黃郵邪孽殄滑邑  
寇氛清殺氣  
看初息  
頑根恐復萌  
燕齊勞戍役  
楚蜀困輸征  
僕射能勤撫  
恩慈仰父兄

寰海歌清宴  
征輦夜不鳴  
論兵籌勝策  
防患在承平  
豈之賢司牧  
終慚負

聖明十行罪已

詔涕泣爲蒼生

甲戌

豫東紀事詩六十二韻余在兗州途次遇客從軍  
中來者詳述山東河南刑匪之亂援筆誌其顛末  
俾陳風者有所采焉

皇仁覆六合萬類歸陶甄食毛并踐土教養二百年蠹茲  
不靖徒自外光華天姦民結私黨豫東連齊燕或倡瓦刀  
社或搖虎尾鞭大者八卦教禍勢久蔓延惡林飛鴟鴞患  
懲陰雨先願告守土臣義在幽風篇爲虺勿早摧爲蛇悔  
徒然癸酉秋九月殺氣盈中原妖星二十丈上犯北斗躔  
曹縣被蹂躪定陶空城捐河朔十數郡岌岌累卵懸強侯  
殉滑邑慘殺吁可憐全家同死難膏血腥戈鋌天心佑忠  
良幸得愛子全一城化盡沙百里虛炊煙朱樓誰家宅隱

隱聞管絃推屏寂無人鬪馮狼藉眠門前烏柏樹血染霜  
花鮮屋後枯松枝落月啼杜鵑烽燧且四起比戶無完廬  
躑躅田間翁白髮垂過肩手攜兩弱裊衣絮紛糾牽黃口  
不肯走驅之涕洟漣鄉兵導前路數里索百錢無錢瞋目  
叱中道傷扑顛怒罵甘耐忍尙恐飽老拳死亡在呼吸飢  
渴奚足言忽報劉都轉將令軍中宣馬隊數百匹弓箭腰  
間纏精兵不貴多一卒殺賊千旌旗亂雲中銳氣凌無前  
走賊扈家集剿賊大廟邊轉戰九日夜賊首絡繹傳滑賊  
竄輝縣根株斷猶連因獸各死鬪負嵎惡不悛太行高嵯  
峨賊欲巢其巔桓桓楊提軍修葺美而鬻一麾躍萬馬飛  
出雙龍泉縱火焚其巢飛礮衝其堅風沙震屋瓦鼓聲助



喧闐鐵衣耀白雪紅旗舞翩翻戰歸宴將佐玉帳開觴筵  
劍花杯底落弓月城頭圓戎醜就俘馘

王師歌凱旋草蟲賦嚶嚶野蠹烝蜎蝓難民始復甦稍稍  
歸園田面目慘驚黑肢體病踟蹰頭上髮不櫛身上衣無  
繻入門眠妻子卧席擁敗種尙疑夢中境鬼物身爲綠煮  
粥拾橡栗和以艸根煎性命喜再活幸不溝壑填

詔書切撫邨被兵租全蠲陽春需甘澤百卉滋芳妍晴恒  
盪沴戾陰陽平伏愆上蒼仁愛心轉移默有權憑誰問牛  
喘變理無頗偏霖雨救亢旱舟楫濟巨川欲報  
聖主聖必藉賢臣賢我言雖芻蕘采之毋舍旃

髻山行

蘊懷閣詩集卷第六

六

定陶城南殺氣驕定陶城北軍聲囂豺狼滿街攫人肉血  
光直射蒼天高朝辭定陶城暮走髻山麓悲風蕭寥響羣  
木徹夜干村萬村哭村民避賊攔路號路旁忽見官先逃  
黃埃障天日色薄官遇賊兵官膽落不聞軍中戰鼓聲倏  
化蟲沙與猿鶴吁嗟乎官死賊手官可憐民罹賊虐誰之  
愆定陶城中十萬戶奈何倉猝全城捐

金鄉曲

深山毒藪潛鯢鯨羣醜計奪金鄉城金鄉邑令捕首逆鄰  
境縱之不敢獲卽鹿入林不見幾逐虎負嵎又誰責黃花  
九日金杯浮銜杯賞花城上樓暗躡城垣料了壯部署健  
卒藏戈矛明晨戰鼓掀天震賊騎雖驕不敢進菊花無恙

笑顏開紅燭三更百壺醕城中既有備城外亦晏然市者復居肆畊者仍歸田金鄉不逢賢守令生靈百萬何由全君不見定曹闔境良家子血作城濠濠上水

蒲連歎

我讀老杜兵車行不信從軍古云樂賊兵蠶起官閉城急召鄉兵動村落蒲連張家十三子荷戟同仇誓同死淚眼愁看白髮枯荒原瞥見黃塵起妻子別歧路不辨東與西搖手掩口不敢哭問君幾日歸鉏犂男兒尸當裹馬革何  
以家爲戀魂魄上有鬱鬱之高松下有青青之古柏蒲連大寨賊乘虛一炬灰飛半天赤官兵漸集鄉兵歸歸來宅破無半扉流離老幼烏獸散存者僵凍無完衣聞道

蘊懷閣詩集卷第六

七

皇仁免租賦 賜糧藉免今冬饑黃昏仰看星月色嗚咽磨刀誓殺賊

三賈謠

險莫薄扈家集危莫入曹縣城居莫近蒲連寨走莫遇三賈兵紅旗纒紛耀城市三賈村中無賴子得錢能脫困獸阱無錢竟陷良民死睚眦報復恩讎私十人九人慄慄危蒲萄杯紅酒香冽此中半是蒼生血血汚遊魂無路歸窻泉飛作炎天雪君不見炊煙墟里鷄犬愁陰霾暗慘風颺颺銀脾高挂者誰子朝烹肥羊夜宰牛

定陶捷

青天高懸大將星賊刃墮地賊膽驚封狼驅豹抱頭竄戒

不敢犯劉公兵劉公十年老行陣據鞍顧盼威風生公之作官不愛錢公之待民如愛子身先將士習甘苦將士甘心爲公死定陶城劉公來賊黨散城門開飛鴻滿野嗷嗷哀白骨狼藉蕞荒萊傷心慘目有如此那堪攜酒臨高臺噫嘻乎悲哉皇穹欲甦爾民困得遇劉公死無恨

滑城哀

滑城九月鬼晝哭白狐跳梁烏啄屋市人狂呼走避賊婦孺老羸亂躑躅官符捕賊督官吏官吏先爲賊奸細鞫訊先嚴首惡刑倉猝羣兇肆毒計城樓高舉八卦旗箭飛如雨合四圍慷慨握節縣官死碧血夜逐青燐飛營兵竄伏不敢起罵賊惟聞弱女子羅裙血染猩猩紅常山之舌雖陽齒嗚呼滑令死滑城亡醜類從此爭披猖滑城一日賊未滅哭向皇天憤所切

道口歌

滑濬屯糧道口鎮西通太行達懷慶賊兵二萬同日進七路官軍制其命聞道將軍幕府開巖關雪夜羽書催彎弓盤馬不遽發

詔書譴怒如霆雷古稱需者事之賊况此小醜何足滅吳官王兗官伯汝能爲鴟爲鴟爲鬼爲蠅乃褫汝魂魄擣汝巢穴獨不見髯將軍挽鬚成結身先士卒歸來脫甲宴軍門萬點猩紅戰袍血

司寨引

滑城賊鋒數摧敗鋌險西奔入司寨南湖賊目尤猖狂尅日裹糧趨太行高峰插天一千丈絕壑悲風亂松響烈山焚林拋火毬赤龍鱗甲飛寒湫裹創苦戰一日夜殺聲震天天亦愁白土岡頭兵兩翼五雲照耀旌旗色官軍破道口滑城之圍乃可合官軍破司寨滑城之賊乃可滅流民亂後苦無家灑涕城南望城北

滕縣

井疆五十里到此獨徘徊渺爾彈丸邑會逢命世才青山拱鳥嶧喬木秀徂徠古廟蓬蒿沒愁聞鴻雁哀

東平道中流民歌

去年九月東昌府城頭烏啼月色苦今年二月東平州城

蘊懷閣詩集卷第六

九

邊艸碧花光稠春花秋月年年度愁苦飄零向誰訴提挈老幼飽風雨負擔牽衣不知數攀轅叩頭手索錢對我淚下如流泉或從淮北來汙田數畝埋荒萊或從河南去弟妹避兵在何處 朝廷有

詔開倉穀聞道官堂設官粥居民一飽尚不足那望流民裹其腹

聖澤如天溥四海邑有流亡咎誰在使君大事不糊塗請繪鄭俠流民圖

夜過汶上投宿郵舍寒甚不寐

天陰風色慘蒼莽陣雲屯漸近千戈地不成鷄犬村酒錢寒易竭穀價貴難論擊斷城頭柝中宵驚客魂

任邱

任邱漢郡屬吾邱唐境漁陽接莫州古壘旌旗迷野色巖  
關鼙鼓入邊愁承平野叟耕黃犢辛苦征人嘆白頭南北  
地形居險要蒼生幹濟賴持籌

燕南道中雜詠

二月燕南不見春曉寒飛雪送行人故鄉幾日鶯聲裏楊  
柳堤邊艸又新

破寒夜酌酒盈卮馬上高吟夢裏詩何處鄉情消不得十  
三橋畔月來時

東方故里客停鞍古井梧桐露正團臣朔也愁饑欲死長  
安索米自來難

蘊懷閣詩集卷第六

十一

一笑紅粧劍血痕買絲爭欲繡平原但求肝膽酬公子便  
雪蛾眉地下冤

鷗鷖摩霄朔氣清戍樓風惡峭寒生三更明月一聲笛吹  
作幽燕變徵聲

王師去歲盪妖魔徵調兵車喚渡河馬上紅旗馬前雪將  
軍醉唱凱旋歌

胭脂北地擅傾城銀燭宵彈趙女箏一自羽書徵戍役玉  
簫聲是別離聲

冥濛煙靄鷺鷥汀十里平沙水荇青稍喜魚梁生意足不  
愁在畱見三星

東阡南陌冷萋迷啄粟愁聽黃鳥啼剩有一畦霜後菜免

教此色到黔黎

白楊荒冢望蕭條  
欲問巫咸賦大招  
綠酒但澆墳上土  
青燐不照舊時瓢

陌上車塵暮復朝  
南鴻北雁路迢迢  
征人若問春消息  
莫遣東風過柳條

艸長鸞飛節候新  
五年曾踏鳳城春  
白雲自向山中宿  
匹馬重關愧此身

東華門春望

縹緲瀛臺近  
春城麗物華  
晴光九衢樹  
花氣萬人家  
聯珮趨仙闕  
和鈴響鈿車  
流鶯聲宛轉  
長願托林樾

曉過御溝

蘊懷閣詩集卷第六

十一

紫陌香車不動塵  
禁煙時節艸成茵  
御溝柳色濃如許  
爲染龍池雨露深

醉步西郊

冶遊新試客衣單  
落照城頭花半殘  
已報河南烽火息  
儘教春色醉中看

送李蘅塘侍講南歸

鶴俸無多不療貧  
倚閭何忍累衰親  
杜陵詩爲憂時作  
李密書因將母陳  
畧可洗愁惟綠酒  
不堪望遠是緇塵  
十年風雪貂裘敝  
客路眠餐慎此身

張鹿樵侍讀席上卽事

月滿春城酒滿卮  
如何醉月獨無詩  
燭光搖几紫雲落  
花

色上簾紅笑遲夜雨江湖三載別故人肝膽一時披尊前  
不用看華髮拔劍王郎氣自奇

都門旅舍屈敏山農部

廷鎮

過訪招余移寓高齋

卽事賦贈

穀貴攜貲少長安不易居嬾隨塵海逐轉與故人疎有客  
久懸榻相逢笑孽祛山中芳杜若只合伴三閭

予自戊辰歲以詩質法時帆祭酒

式善

距今五載

重遊都下而先生已歸道山偶偕友人重過詩龕

愴然賦此

靈光魯殿沒青蕪愴斷人琴淚眼枯聞道憐才從古少如  
公愛客近今無十年朋舊埋衰艸一代詩名滯宦途師友

蘊樸閣詩集卷第六

七

寢門齊慟哭不知大雅更誰扶

禮闈試罷下第南歸留別都中友人卽次畢子筠

孝廉送別韻

榆關風色不成春雀燕分飛我共君長劍今宵狂對酒短  
衣明日愴離羣一鐙斷續還家夢半篋叢殘下第文去去  
廣寧門外客不堪重盼鳳城雲

玉京縹緲路無緣便合牽蘿補舊屨錦段愧輸添線巧良  
媒恥蹈買絲愆青山隔斷人天界白日閒拋壯盛年我去

吹簫君擊筑一生心事兩茫然

雕蟲詞賦忝微名潦倒崔瞻誤此生不解吹竽抱瑟有  
懷投筆學談兵春憐代北千花落夢逐天南一雁征齊豫

卽今銷戰甲不愁戎馬滯歸程

田園生計託汙萊草草勞人歸去來  
秋圃花宜香晚節春風吹不到枯灰  
側身天地鷗羣散滿目關山雁侶哀  
辛苦征塵磨瘦骨嬾登燕相舊時臺

過柳下惠墓

織蒲門下少蒲輪柳下依然古逸民  
潦倒一生遭三黜更將直道事何人

一介三公志不移  
阨窮隨分樂恬怡  
隔村遠聽樵歌唱隴上月明人靜時

舟泊清江浦次顧孝廉

時雷韻

但有同心樂不知  
行路難扁舟渡江浦  
客夢話平安野樹綠圍屋  
雜花紅照灘願言賦招隱  
生計問漁竿

蘊懷閣詩集卷第六

十三

題畢季瑜孝廉

意會詩集

皎月出滄海蓬島闢清奧  
鮑陽老翁詩靈境咫尺到蒼寒  
聳孤巉矯拔絕時好  
釣韶金石鏗冥搜神鬼告  
每於深遠處勁氣獨排冓  
抗懷追風騷盟壇樹幢燾  
千秋杜陵叟前路雅輪導俗日混黑白那問瞭與眊

題畢茂才

緒珍

遺稿兼柬季瑜丈

辛夷花發落翠稠綠卿仙去詩魂留  
雲屏華燭照霞綵碧天無聲銀漢流  
手扶天河出天表凌風下瞰塵寰小  
天公隣才非妬才丹詔特遣緋衣來  
西河老人淚盈目且洗愁腸醉醞醪  
君不見錦衣爛漫年少子不賦玉樓賦  
金谷



九日王儕鶴表兄士麟 招同畢季瑜彭甘亭集飲

借綠軒卽事

燕臺客嘆黃金盡歸臥滄江百事慵詩思却從秋思起酒  
人喜與故人逢一盞愁髯羞吹帽三徑寒花笑倚筇借綠  
軒開話疇昔接離醉倒叙懽悰

同作

同里 彭兆蓀

庭花黃映座鄰竹綠過牆客老珍鄉味秋陰戀酒場  
小詩萸泝秀大藥橘泉香卽此成棲逸家風穩醉鄉

紀旱雜詩

焦巖無潤木枯淵有飛沙天瓢吝勺漑消渴尊斷汙南山  
殷其雷黑雲散頰赧百家汲一井井涸成廢窪得水競換  
錢錢少不肯賒乾糗下咽難導以泥潦茶水洩索昂價晒  
彼賣餅家

蘊懷閣詩集卷第六

七

殘春屆秋初下隰土性燥枯槁村聲喧莫捋禾菽槁東郵  
富家農昏夜召傭保西郵貧家子合作圖一飽郵後一小  
車瞥見各驚擾大呼偷水賊追奔鹽其腦彼此怒奮臂亂  
搏目幾眇明晨到訟庭曲直飾辨巧吏胥恣索錢逋債何  
日了

巨港不容刀涓流細如髮烏銜老魚鱗馬踏死蛟骨露出  
沒字碑乾封辨遺碣秦漢古吉金碯底或可掘伸手不敢  
探恐驚毒龍窟文圖疾不瘳昂首嘯明月

步出東郭門猝報潮汐至鄉農太鹵莽瀕海妄貪利掘開

塘亘丈穿鑿弄小智狂濤疾沸騰倏忽躍平地蚩氓愚無  
知後患那能避倘觸罔象怒蛟窟走百魅颶風翻鼇身擊  
浪鼓長翅哀汝鴻雁侶盡化魚鼈類

比廬揭紙旗旗綵颶青冥淋漓潑濃墨畫出蛟龍形道人  
語半顛誇口符呪靈高臺蠹層霄擲水手不停一擲月皎  
皎再擲星熒熒三擲水化酒天公醉難醒安得一瓢飲需  
作靈雨零

斗米錢六百一家人數口搗碎糠豈餅百草雜和滲二甬  
若不給宿糧更何有攜兒鬻街市得錢供飯糗兒牽阿孃  
衣驅之不肯走不忍加鞭笞掩淚執其手

皇仁霈鴻淋租賦十蠲五奸胥肆藐法利藪競餽取買荒  
出白鏹一石二兩許天災分重輕顛倒恣弄侮秉燭夜達  
晨細檢報荒簿某戶係某都某鏹係某戶珍珠與文綺隨  
意市上賈



